



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

"QUÆSTIO MEDICA,

QUOD LIBETARIIS DISPUTATIONIBUS;

*manè discutienda, in Scholis Medicorum, die Martis undecimâ
mensis Februarii, anno Domini M. DCC. LXXVII.*

M. AUGUSTINO THOURET, è Regiâ Societate Medicâ
Parisiensi pro Epidemiis institutâ, Doctore Medico, Præfide.

An color sanguinis à vi vitæ ?

I.



U M neque corpori suppetat humor alibilis, neque
per destinata cola fluant liquores secretorii, nisi
antèa eorum materies valis recepta rubris, in san-
guinem mutata, communi fluxu ad vârias partes
appulsa fuerit; nullum certè in corpore fluidum
sanguine dignius videbitur, cujus principia, naturam, formationem,

A

mutationesque, assiduo labore exquiramus. Ut enim ex undis circumfluitantibus camporum vita viget & nascitur ornamentum, sic sanguis fons vitæ perpetuus, singulis visceribus laticem nutritium amicè largitur, & totum corpus sanitatis flore condecorat. Ille dùm fluit purus, sua cuique parti manat vita, vis & alacritas. Verùm si quas irroret cruor impurâ fetus spurcitie, vis in eis deficit, deest vitalis actionis vigor, imbecillia torpent viscera, functionum perturbatur ordo, moxque vita ipsa summum in discrimen adducitur. Etenim quò magis illius est pretiosus nitor, quò sublimior illius usus, eò perversius idem majores agit tragœdias.

Hujus-ce laticis genuina indoles diù latuit tum Medicos, tum chemicas. Recens verò lux chemica, quibus hic obducebatur, fugavit tenebras; causa tamen undè suus ei color advenerit, densissimâ adhucdùm involvitur caligine. Verùm quæcumque sit ruboris materies nondùm cognita, unum & laboribus præesse debet, & maximè interest Medico perpendisse, quibus scilicet viribus agentibus enascatur. Istud quæsitum demonstrabunt mutationes sanguinis variæ, earumque observatæ leges; tùm quid diversitatis in hujus colore deprehendatur inter varia animantium genera, quid inter eorum species, quid in variis vitæ conditionibus, quid pro ætate, sexu, temperamentis, sanitate, morbis. Ità enim diversam vitæ intensitatem sequitur ruboris intensitas, ut nulla alia efficiens causâ assignari queat, præter vitalem vim in actione sitam, quam regit sensus. Præmissis itaque variis autorum de colore sanguinis opinionibus, nostram de vitæ virium principatu proponemus & vicissim demonstrare suscipiemus.

I I.

CIRCA colorem sanguinis duplex oritur sententia, nùm scilicet humor ille principium speciale tingens in se contineat, nùm color ejus à solâ molecularum fluidi elementarium physicâ dispositione sit repetenda. Primæ fautoribus opinionis arriserunt ferrum, phlogiston, nitrum aereum, Gaubii principium resinofum & alia quædam principia de quibus hic agere supervacaneum.

3

Ferrum in carbone sanguinis detegit magnes attrahens, lotionique infusa nucis gallarum solutio, aut commixtio alkali, ut aiunt, *phlogificati*, cæruleum Borussiacum præceps agentis, vel demùm efformata cum acidis martem penetrantibus salia. Sed quid inde? nonne ferrum alibi reperitur? in fero scilicet, in lymphâ, in fibrosâ parte. Nonne in bile, in urinâ, in ipsismet solidis partibus; nonne in variis vegetantibus? Quis verò tantam colorum diversitatem ab eo principio unico pendere crediderit? Quis sic à marte suo tingi cruorem, ut illo addito color adsit, sublato tollatur? Neque litem dirimunt chalybeatorum effectus, quorum usu sanguis antea serosus, tenuis, decolor, inspissatur, rubescit, & novum induit honorem. Ferro sæpè utuntur diù chloreticæ virgines, nec immutatur sanguis. Ni vitam languentem excitet, necquicquam ingeritur. Quin imò dùm sanguis marte reficitur, similiter alia possunt agere aguntque medicamenta, modò efficaci stimulo vim tonicam fibrarum sopitam exsuscitent; neque possis prætereà majorem ferri copiam in sanguine rubro, quàm in pallido deprehendere.

Quid de phlogisto dicam? de nullo principio fama major, nullum notum minus. Protæus multiformis perspicaciores deludit oculos, sola illud attingit imaginatio. Nunc fingitur siccus, nunc in oleoso statu deprehenditur, modò habetur purus ignis, & aliàs ab illo differt; quidam illud sibi semper constare crediderunt; describitur, colligitur, transvehitur, separatur à corporum visceribus, eis denuò remisctur, sensus tamen omnes fallere dicitur. Id olim coniecere quidam, admiscere dein ferè omnes, rejiciunt nunc plurimi. Quâ igitur basi sulta stant eorum argumenta, qui formatæ sanguinis purpuræ, ambiguo corpori decernunt honorem.

Leeuwenhoeck armatus microscopio, rubros in sanguine detegit globulos, qui flavas in sphærulas mox abeunt, undè plurimis sphæculis inter se coadunatis globulum rubrum componi existimat, indeque colorem sanguinis esse deducendum. Hanc calcanti viam Boërhaavio, novi arriserunt calculi, quibus globulum rubrum sex serosis, serorum sex lymphaticis constare affirmatur. Sed globulus sanguinis quantumvis attenuetur, colore quocumque donatur; sero inest aliquis

color, cujus causam nec Leeuwenhoeck, nec Boërhaavius assignant. Tantorum virorum ingenio atque autoritate ducti ne cæcutiamus. Causam materiale nondum cognoscere datum est, & licet demum discussis tenebris, ejus natura pateretur; nihil inde proficeretur, nisi præterea ipsam informaret & in debitum cōtionis gradum deduceret efficiens causa, animalis attenuatio: huic igitur immorabimur. Hanc solis vitæ viribus deberi mox patebit, ubi prius exposita fuerint earum natura, gradus & activitas.

III.

VITA constat actione & sensu; sensus actionem regit; actio producit motum. Motus considerari potest vel in solidis agentibus, vel in fluidis impulsis. Hic vitam alit, alter eam constituit; & triplici perficitur actione, tonicâ nempe, musculari, & elasticâ.

Tonica vis cunctis insita partibus, quædam tensio est, sic à vitâ sobolescens, ut nec eam mechanici nexus efficiant, nec solutio continui dirimat, nec vitæ unquam superesse videatur.

Actio muscularis tota est in successivis contractionis relaxationis que vicibus, sive fiat pro voluntatis nutu, sive pro occulto quodam agente stimulo.

Elasterium universis naturæ corporibus commune, ea est proprietates quâ compressa distenta ve, se se in pristinum statum restituere nituntur.

Ex triplicis hujusce actionis commercio major exurgit organorum activitas. Verum inane foret absque sensu illud consortium, neque vitæ possent peragi munia. Sentiendi autem vis in eâ facultate consistit, quâ fibræ stimulos possunt percipere, sive ex eorum actione moderatâ voluptas quædam & alacritas oriatur, sive ex intensâ nimium sequatur dolor & irritatio. Iis absque facultatibus vita consistere nequit, ex iis omnia pendent vitæ phænomena, hæc simul unitæ & inter se mirè consentientes, vim vitæ constituunt.

Porro vitam duplici modo debemus intueri. Altera generalis dici potest, unitis constans & vicens partium omnium viribus, alia peculiaris, cuique visceri propria, specialem agendi vim ac normam pro singulo organo sibi vindicans. Hinc suus unicuique nutritionis & incrementi modus, hinc nata motuum sensuumque diversitas, hinc varia humorum natura, diversæ qualitates. Hinc demum sanguis, humorum omnium fons & origo, suam mutuatur indolem, suumque ruborem induit. Sic in regno vegetabili multiplices in eodem solo plantæ crescunt structuræ & humoribus variæ, licet eorum intima similis subierit succus.

I V.

CANALES membranacei, flexiles, contractiles, elastici, sensu peculiari donati, sanguineum laticem ex alveo communi latè diffundentes, non simplicem ei motum imprimunt, sed ex impellente cordis vi & partium organicarum vitali reactione compositum. Indè inceptus per majores arterias, per minora vasa continuatur progressivè circuitus; indè tritus & miscela partium sanguinis chylique per subclaviam affluentis; indè actione exorti caloris, & collisione assiduâ, intima principiorum attenuatio; indè ortâ pressione inter oppositas actionis reactionis que vires, nascitur addensatio; indè societate virium stabili perennique motuum lege, constans addensati attenuatique humoris coctio perficitur. Tali potentiarum concursu conficitur hæmatosis, & dum ab intemerato hujus systematis ordine, tum toti massæ, tum singulis partibus accedit perfectio, simul & ruboris ab iisdem causis pendet non solum intensitas, sed formatio.

Tenella pulli mox fœcundati moles solâ scatet pellucidâ lymphâ, subviridescenti tantum innatat albumini. Nullam incubationis tempore materni sanguinis ad illum devenire moleculam, luce clarius est. Attamen bis deni vix effluxere dies, jam perficitur vasculosum pulli systema, jam artus universos alluit rubicundus humor, mox que indutus sanguinis indolem.

Post multiplicem diurnam que effusionem sanguinis, quem sang

cuius juvenis amiserat, cruore tam spoliata fuisse vasa celebris Lowerus observavit, ut assumpta jura penitus à vasis resorpta ex arterioso vulnere integra dimanarint. Jam mors exanguem presso pulsat pede; manum verò auxiliatricem subministrat ars hygiastica, & actione redditâ reviviscunt artus, serosi rubescunt humores, & cum sanguinis rubore sanitas sensim valida atque athletica reducitur.

Quid plura? Intrà pullorum & tenerioris agni vasa, lenibus fluit undis roseus amnis; dùm inter robustos arteriarum parietes, effero leoni, tigridique duræ nigricans arietat sanguis.

Quàm intenso gaudent sanguinis colore quos natura torosis donavit artubus, durus miles ac fortis athleta? *Ut atro sanguine turgent heroum vasa!* Dum sanguis pallidus vix pulsat perreptans molles arterias muliercularum, quas inutili detinent otio vitæ desidis turpes deliciæ.

* Sic tenerrimos puerorum artus ferè lacteus irrorat humor, pubertatem sequitur ruber, adolescenti fit rubicundior, viro perfectò ruberrimus æstuat; subeunte demùm senectute gelidâ, rigentes inter ac inertes fibras sanguis ægrè conficitur, vix necessariis sufficit vitæ muneribus, sero crudo & exundante diluitur, crassâque lentâ & incommixtâ, si effusus resideat, tegitur gelatinâ; undè senilia sputa, undè senilis in lethum vergens cachexia.

Nec minùs à temperamentis discrimen. Rutilus in vasis nitet humor illi quem condecorat amata formoso sexui sanguinea temperies. Phlegmaticis per laxiora vasa lentius defluit pallefcens serofus que sanguis. Fervet in hominis bibliosi venis cruor ater, siccus, acris & quasi resinofus. Prægressis exultus motibus, tristi deindè quiete ferè stagnat melancholicorum sanguis plumbeus, parco dilutus sero; crassus, tenax, nigricans.

Inter morborum discrimina, sua sanguini non remanet coloris integritas. Alii quidem à vi vitæ nimis auctâ ducentes inflammationem crasam, illum exsiccant, inspissant, atro colore inficiunt;

Contrà verò à lentâ virium prostratione, collectum chronicorum morborum agmen hujus-ce laticis colorem destruit. Pallidus est & decolor humor vitalis in chloreticis, cachecticis, hydropicis. Hanc demùm fulciuntur opinionem Halleri & Leeuwenhoeckii observata; cò, primus inquit, globuli sanguinis rubicundiores, quò animalia fortiora, eò pallidiores, quò debiliora: in frigidis animalibus, ait alter, flavescit sanguis, in cochleis inertibus & aliis hujus-ce generis, albescit.

Nemo igitur negare poterit ruboris in sanguine gradus à vitæ virium mutatione pendere, qui videat adeò intimè conjunctam esse hujus intensitatem cum illarum actuositate, ut iisdem gradibus quibus corpori decedit actio acceditve, humor ille suo colore defraudetur aut niteat.

V.

VERUM, inquires, sanguis serofus est ac decolor apud quasdam hystericas queis vis vitæ per vividiores insultus valde intenditur. At vitæ vis & efficacia non tam in motuum impetu sita est quam in ipsorum æqualitate & constantiâ; quæ quidem in spasmodicis affectibus omninò intringitur, pultu indice. Imò & quæ hystericiæ maximè obnoxie sunt malis, debili fibrâ, perversis functionibus, lætâ digestionè, concoctione imperfectâ laborant, undè vitæ vitium arguitur. Quippè sensus in illis acerrimus est, sed actionis inertia maxima, nisi dè m inlolitis concutiuntur motibus. Cùm autem in actionis sensûsque conjunctione constet & in earum debitâ proportionè stabiliatur vita, non pleno suo jure fruitur in hystericiis, veluti dimidiata, & agendi facultate non jussè ad sentiendi vim comparatâ.

Nec majoris est momenti, ex infantùm mobilitate deductum argumentum, quorum exquisitus sensus fibrarum robori nondùm acquisito non bene respondet.

In senibus verò etiamfi fibra durior sit, quiescit iners vitæ vis, deficiente sentiendi facultate, ex quâ actionis regimen & incitamentum. Cùm igitur ad sanguinis colorem efformandum materies, quæcumque

fit, impar esse demonstratur, nisi illi concoquendæ & elaborandæ vis vitæ præfuerit : cum præterea hujus actioni auctæ ad amissum respondeat ruboris aucta intensitas ; & à virium prostratione coloris depravatio atque abolitio dependeat, superest ut concludamus :

Ergò color sanguinis à vi vitæ.

DOMINI DOCTORES DISPUTATURI.

M. Joannes-Baptista Mi- chaël BUCQUET, Che- miæ Professor & Censor Regius.	M. Joannes-Baptista-Eu- genia DUMANGIN,	M. Bartholomæus-Tissanus LE CLERC, Consiliarius Medicus Regis ordina- rius in ejus Castelleto.
M. Franciscus - Maria LEMOINE.	M. Thomas LEVACHER DE LA FEUTRIE.	M. Ludovicus - Gabriel DUPRÉ, Serenissimi Condei Principis Consi- liarius Medicus.
M. Joannes - Augustinus COUTAVOZ, Rei Her- bariæ Professor Designa- tus.	M. Bertrandus DUPUY, Scholarum Professor.	M. Antonius PETIT, in Horto Regio Anato- mæ & Chirurgiæ Profes- sor, à Regiâ Scientiarum Academiâ & Militarium Regni Nosocomiorum Inspector.

Proponebat Parisiis EDMUNDUS-JOACHIMUS BOURDOIS DELAMOTTE ;
Joviniaco-Senonenfis, Saluberrimæ Facultatis Medicinæ Parisiensis Baccalaureus.
Theſcos Auctor, A. R. S. H. 1777. A SEXTA AD MERIDIEM.